



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Genesis Enarratio

Chyträus, David

Vitebergæ

VD16 C 2625

Capvt Decimvmqvarvm.

urn:nbn:de:hbz:466:1-36126

bus fontibus, quorum alteri nomen est Dan, al-
lar. דָּן doctrina iudicij.

Homines Sodomitæ erant peccatores co-
ram Domino.) Ezech. 16. Ecce hæc fuit impietas
Sodomæ. Superbia, quæ contemptum Dei
uerbi Dei, & fiduciam propriæ sapientiæ com-
plicitur, saturitas panis & abundantia & oculi
ipsius & filiarum eius. Et manum egeno & paup-
ri non porrigebant &c.

Mambre.) Nomen uiri Amorraei.

מִמְרָא rebellis.

Hebron) Vrbs celebris in tribu Iuda, quæ
hospitium et sepultura locum tribuit Abrahe,
& Iacob. חֶבְרוֹן Societas.

Abest quinq; miliaribus à Ierosolyma.

CAPVT DECIMVM MVMQVARTVM.

LOCI PRÆCIPVI.

- I. *Historia belli utring; inter
ges gesti, in genere monet
bellorum causis, incertis even-
tibus, & horrendis calamita-*

tibus, quibus per bella Deus
scelera hominum punit.

II. Quod pijs concessum sit legiti-
mum bellum gerere, & alia
officia politica obire.

III. Exemplum Heroicæ fortitudi-
nis in Abraham.

III. DE SACERDOTIO
Melchisedek.

I.

DE BELLORVM CAU-
sis, incertis Euentibus, & cala-
mitatibus.

Etsi quedam sunt iusta, legitima, ac foelicia bel-
la, quæ uel defensionis, uel rerum recuperandarum
causa suscipiuntur, uel poenæ sunt, quas exercet le-
gitimus magistratus: Tamen pleraq; bella in tota
mundi historia, cum à Diaboli & hominum furori-
bus, ut cupiditate antecellentia, inuidia, ardore uin-
dictæ, oriantur, tantum sunt foeda latrocinia & poe-
næ, quas Deus in genere humano grassari permittit,
ut horrendam iram suam aduersus peccata decla-
ret. Ita huius quoq; belli principales causæ sunt,

V 4 peccata

peccata utriusque partis Regum & Subditorum, Deus iusto iudicio punit, per ingentes calamitates quas omne bellum etiam felicissimum affert. *Ἐπεὶ μὴ* uero seu occasio belli est defectio, & redemptio quinque Regum, quos castigatos ad obedientiam uocare & florentissimam illam terræ partem subijcere Chaldæi conantur. Ut autem Chaldæi flores denuo ab Abraham uicti cæduntur & fugantur. Sic omnium bellorum incerti euentus summi Mars communis, qui sepe spoliante iam & tantem euertit, ut dicitur. *Ξαυὸς Ἰουδαίων ἔρκετωεὸνδα κατέκτα.* Item Thucidides inquit *ἡκιδά ὅτι πόλεμος ἐπὶ ἕκτοισι χωρῆ.* Hoc nusquam minus quam in bello euentus conspiciuntur. Item, *πόλεμος οὐχ ὑπάρχει ἀλλὰ κατόπι χωρῆ.*

II.

QUOD PIIS CONCESSUM sit Legitimum bellum genere & confæderatum esse.

Ideo Deus in seuit natura *σοφῶς*, ut incitem sui & suorum conseruationem. Quare omnis legitima defensio nostri & nostrorum, iure naturæ, est, diuino concessa est. Rectè igitur & pie

Abraham, quod defensionem suorum suscipit. Et hoc exemplum omnes pij pro sua facultate & uocatione imitari debent. Vt enim caterae ordinationes politicae Christianae concessae sunt, Rom. 13. Sic militiam quoque legitimam ipsi gerere licet, quae quidem ad hunc summum finem referenda est, ut in pace uera doctrina conseruari & propagari possit.

Estque Miles ut in libello Dialectico usitate definitur persona Dei uoluntate ad hoc opus ordinata, ut in defensione iusta ac poena legitima, armis & quocumque labore militari iuxta uocationem pugnet pro Ecclesia Dei, & pro honesta Republica. Multa autem piorum militum exempla passim in historia Sacra proponuntur. Et Eusebius scribit lib. 5. cap. 5. precibus Christianorum militum impetratam esse exercitui Antonini pluuiam, & copias hostiles Germanorum ac Sarmatorum fulminibus profligatas esse. Ita antecellit Miles Christianus prophano, quod non solum manu in acie iuxta uocationem dimicat, sed etiam inuocatione & diuini auxilij expectatione sese armat, & ad hunc finem labores militares refert, ut Ecclesia Dei protegatur, ac doctrina caelestis ac honesta disciplina conseruetur.

Quod autem dicitur Abraham foedus pepigisse cum Mambre Eschol, & Aner, non pugnat cum

V 5 mul-

multis concionibus Prophetis, quæ fœdera prof
 improbare uidentur, ut Esa. 8. Non dicatis fœder
 Non enim coniunctionem hominum defendenda
 quillitatis publicæ causa factam, quæ & concess
 iusta est, Prophetæ reprehendunt: Sed fiducia
 manorum præsidiorum taxant, ut dicitur Psal.
 Nolite considerare in principibus, in filiis hominum
 in quibus non est salus. Item Ierem. 17. Maledictus
 qui confidit in homine.

Consideretur etiam Stratagema Abrahæ, qu
 diuiso exercitu, & quidem noctu hostes inuad
 existimarent multo maiores copias suo exitio in
 nere. Talibus consiliorum occultationibus & fig
 contra hostes uti concessum est, ut Thucydides lib
 inquit, καὶ τὰ κλέμματα ταῦτα καὶ Ἰσίδω
 ξαρ ἔχει.

III.

HEROICA FORTI
 tudo Abrahæ.

Vir Heroicus est, qui à DEO
 dentibus motibus, ad excellentem
 tutem excitatur, & in rebus gerendis
 adiuuatur, qui que immensa quadam
 cupiditate iuuandi alios flagrans, re
 suscitatur.

suscipit asperrimas, non ut suæ utilitati, sed ut aliorum salutem consulat. Talis uiri exemplum nobis in hac historia Abraham præbet. Primum enim ardenti impetu ad suscipienda pericula pro liberatione familie Loth, quæ paulo ante ab illo discesserat, incitatur, & quidem exigua manu ingentes hostium copias forti animo aggreditur. Demde parâ uictoria & ingenti præda abacta, nihil inde ad suam utilitatem prorsus conuertit, Sed pulchritudine uirtutis & suorum salute contentus est. Talis apud Homerum Iliad. 9. Achilles describitur.

Αἶψ' ἐμὴν ψυχὴν πρὸ βαλλόμενος πλεμίζει
 ἄσδ' ὄρνις ἀπ' ἡσὶ νεόσοισι προφέρησι.
 κἄσ' αὖ ἐπέικε λάβησι κακῶς δ' ἄρα οἱ πέλα
 αὐτῆ

Ὡς ἢ ἐγὼ πόλλας μὲν αὐπνεὺς νύκτας ἰάσορ
 ἤματα δ' αἰματοέντα δ' ἐπρησορ πλεμίζωρ.

Hoc est,

Sicut auis, quæ pro pullis implumibus ipsa,
 Euolat & pastum miseris parat, haud secus ipse
 Pro Danais mala multa ferens, quot sæpe peregi
 Peruigiles noctes, quot luces Marte cruentas
 Assiduo, dum bella gero, dum prælior ipsis
 Proq; Viris & Coniugibus, Danaumq; salute.

Et apud Liuium Decad. 4. lib. 3. cum in Nemeis
 4T: Quintio αὐτονομία uniuersæ Græciæ promissa esset,

sa esset, hac Oratione Romanos celebrant, E
nam eam in terris gentem, quæ sua impensa, suo
bore ac periculo, bella gerat pro libertate aliorum
detq; operam, ne quod toto orbe terrarum imperium
imperium sit, & ubiq; ius, fas, lex, potentissima
&c.

IIII.

DE SACERDOTIO
Melchisedek.

SACERDOS est persona
Deo ordinata, ut doceat Evangelicè
& oret pro alijs, habens promissio-
nem quod exaudiatur à Deo, & offer-
rat Sacrificia quæ DEVS instituit.
Hæc definitio tria Sacerdotis officia complectitur
quæ in hoc uulgari disticho comprehensa sunt.
ἰδρὺς πλὴν διδασχῶν εὐαγγελίου φιλάσκη
ἰλάσκει θυσιῇ τὰ ἅπαντα ἀραῖσι θεοῦ.

Primum est docere uerbum Dei, diuinitus tra-
ditum, & quidem Euangelion de gratuita remissio-
ne peccatorum & ceterijs beneficijs propter Chris-
tum promissis, ut Malach. 2. dicitur, Labia Sa-
cerdotis custodiunt scientiam, & populus requirit
Legem ex ore eius, Quia Angelus Domini est.
primi Patres, Adam, Abel, Enoch, Noha, Melchisedek

dek (quem Ieronymus ad Euagrium de sententia
Ebræorum scribit fuisse Sem, filium Nohe) & po-
stea Abraham, Isaac, Iacob, fuerunt Sacerdotes, quia
promissiones de filio Dei acceptas conseruabant, &
de uenturo Christo, de fide & ueris cultibus concio-
nabantur.

Secundum officium est orare pro se & alijs, ut
in toto Leuitico apparet. Item, Petite, semper
orate.

Tertium est offerre sacrificium. Ad Ebræos 5.
Omnis Pontifex constituitur, ut offerat Sacrificia.
1. Pet. 2. Vos estis Sacerdotium Sanctum, ad offeren-
das hostias spirituales.

Cum autem Filius Dei sit summus Sacerdos, cæ-
teri uero omnes tantum sint Sacerdotes participa-
tione, addendæ sunt ad superiorem descriptionem
proprietas discernentes summum Sacerdotem à
ceteris. Hæ in Psalm, 110. significantur. Iurauit Do-
minus, & non pœnitebit eum, Tu es Sacerdos in
æternum secundum ordinem Melchisedek. Et postea
splendidissimè illustrantur in Epistola ad Ebræos,
cap. 5. 7. 8. 9. 10. & c. Sit igitur in conspectu hæc Defi-
nitio à Philippo composita.

Summus Sacerdos, est persona im-
mediatè à Deo ordinata, & uncta ple-
nitudine Spiritus sancti, ut Euanges-
lion

lion proferat ex arcano sinu æterni Patris, & intercedat pro tota Ecclesia, cum habeat promissionem, certo exaudiatur, & offerat Sacrificium, uidelet seipsum, quo sacrificio meretur toti Ecclesie remissionem peccatorum, iustitiam & uitam æternam.

Teneantur autem de singulis partibus definitionis illustrata testimonia.

I. Primum de immediata uocatione inquit Epistola ad Ebræos. Nemo sibi ipsi sumat honorem, sed uocatus à Deo, ita & Christus non seipsum glorificauit, ut fieret pontifex, sed qui dixit ad eum. Filius meus es tu, ego hodie genui te. Sicut & addit, Tu es Sacerdos &c.

II. De Spiritu sancto dicitur Ioh. 3. Non ad me suram dat ei Deus Spiritum sanctum. Et Psalmus. Vnxit te DEVS, Deus tuus Oleo letitiæ propter confortes tuos. Vnde dicitur.

O Vncte æterni leto spiramine Patris,
Gnate DEI socios ungitur Christe tuos.

III. De Officio docendi Euangelij dicitur Ioh. 17. Filius qui est in sinu Patris, ipse enarrauit.

III. De Intercessione dicitur Rom. 8. Christus intercedit pro nobis. Ebræ. 7. Semper uiuens proterpellet pro nobis. Ebr. 5. In diebus carnis sue pro

cationes & supplicationes Deo obtulit, & exauditus est propter obedientiam. Iohan. 17. Christus ipse & intercessionem, & sui sacrificij adplicationem expresse facit, inquit. Pro eis ego sanctifico me ipsum, ut sint & ipsi uere sancti. Oro autem non pro istis tantum, sed etiam pro credituris, per uerbum eorum in me.

V. De Sacrificio Christi plurima sunt in Epistola ad Hebræos dicta. Christus semel semetipsum obtulit, una oblatione consumans in perpetuum Sanctos. Esai. 53. Ponet animam suam hostiam pro peccato. Iob. 1. Ecce Agnus Dei, qui tollit peccata mundi. Zach. 9. In sanguine testamenti educes uinctos de lacu. Veniq; omnia patrum sacrificia, unicum hoc Christi sacrificium significarunt. Nec est alia ulla hostia pro peccatis nostris, nisi hæc unica, uidelicet mors Christi. Nec alio modo consequimur remissionem peccatorum, & uitam æternam, nisi cum fide statuimus hæc una hostia, uidelicet morte Christi Deum nobis placatum esse.

VI. De Beneficijs Sacerdotij Christi eadem dicta concionantur. Et ut hic dicitur, Melchisedek benedixit Abraham. Sic Christus Sacerdos cœlestem benedictionem, hoc est, remissionem peccatorum, iustitiam & uitam æternam Ecclesie donat.

Hactenus descriptionem Summi Sacerdotis Christi recitauimus. Nunc discrimina inter Sacerdotium

dotium Christi, cuius Typum gerit Melchisedek,
Sacerdotium Leuiticum consideranda sunt.

PRIMUM autem & principale discrimen
est, quod Christus est Sacerdos secundum ordinem
Melchisedek, qui expresse BENEDICIT Abra-
hæ: Nam Leuiticum Sacerdotium non affert benedi-
ctionem, sed proprie est mandatum docendi
legis, quæ arguit peccata, & proponit maledictionem,
& nequaquam offert gratis remissionem pecca-
torum. Deinde requirit externas ceremonias ad pa-
dagogiam institutas, ut significant aliquid de peccato,
morte, & de uentura hostia. Sed Sacerdotium
secundum ordinem Melchisedek affert BENEDI-
CTIONEM Abrahæ promissam, hoc est, gratiam
tam remissionem peccatorum propter Christi
abolitionem peccati & mortis, donationem Spiritus
sancti, quo renouati nouam & æternam lucem
uitam consequamur.

SECUNDVM discrimen est. Quod Christus
est æternus Sacerdos, qui cum sit æternus Dei
uitam quoque æternam abolito peccato & morte
ecclesiæ donat, & in hac uita assiduus est Medicus
& impellator pro nobis. Etsi enim Sacrificium
mel factum est, ut inquit Epistola ad Hebræos, Semper
semetipsum obtulit &c. Ita, Vna oblatione con-
mavit sanctificandos. Tamen Sacerdotium est æ-

num docendo, intercedendo & applicando sacrificium: Quia semper sedet ad dextram aeterni Patris, & seruat ministerium in Ecclesia contra Diabolum, & exuscitat & seruat Doctores, Et intercessio assidua est, & applicatio sacrificij, & efficacia, ut Rom. s. dicitur, Est ad dextram Dei, & intercedit pro nobis. Ebrae. 7. Vnde & omni tempore seruare potest accedentes per eum ad Deum, & semper uiuit ut intercedat pro nobis.

Leuiticum uero Sacerdotium non est aeternum. Nam nec pontifices perpetuo uiuunt, & hostiae Leuiticae non abolent peccatum & mortem, nec afferunt uitam aeternam, & ipsae ceremoniae Sacerdotij Leuitici exhibito Christo cessaturae erant.

Meminerimus autem cum de aeterno Christi Sacerdotio dicitur, simul haec quatuor significari.

Primum regnum Christum non fore mundanam dominationem, sed fore aeternam iusticiam & uitam, quae tamen in hac uita per Euangelion inchoanda est.

2. Cultus Dei non esse res perituras, ut cibum, potum, aut mactationem pecudum, sed iusticiam, pacem & gaudium in Spiritu sancto.

3. Ecclesiam quoque aeternam fore. Nam correlatiua mutuo se ponunt.

4. Ministerium Euangelij etiam in hac uita semper duraturum esse, etiamsi undique a Diabolo a fanaticis

X naticis

naticis spiritibus, à Tyrannicis pontificibus & oppugnetur.

TERTIVM discrimen ipsa appellatio significatur. Nam Melchisedek regem iusticie significat, hoc est, Regem iustum & alijs iusticiam predicantem. Sic Christus est Rex iustus, & predicat iusticiam, qua coram Deo iusti sumus, & est conditor nouæ & æternæ iusticiæ ac pacis.

Leuiticus autem Sacerdos tantum proponitur, qui regem, quæ accusat peccatum, & incutit animis horrendos pauores, & pronunciat nos iniustos esse, & meritos æternam damnationem.

QVARTVM. Cum Melchisedek fuerit Sacerdos antequam ceremonia Leuiticæ essent instituta, sequitur Christi Sacerdotium secundum ordinem Melchisedek non consistere in externis ceremonijs Leuiticis, quæ abolendæ erant.

QVINTVM. Abraham, & in lumbis Abrahæ Leui, dat decimas Melchisedeco, Ergo Sacerdos secundum ordinem Melchisedek, multo superior est Leuitico Sacerdotio. Ebr. 7.

Hactenus de discrimine Sacerdotij Christi & Leuitici dictum est, Nunc pauca de Sacerdotij dignitate Christianorum adijciam.

Summus Sacerdos CHRISTVS est. Hic quoque honorem Sacerdotij impertit, cum ipsum pontificem agnoscimus talem, ut supra descripsimus. Primum tribuit nobis Euangelion, & mandatum

confitendi ac docendi pro uocatione. Secundo dat etiam ius inuocandi, sed ita ut ipso Mediatore utamur, ac addit promissionem, ut certi simus nos exaudiri. Sic enim inquit, Quicquid petieritis Patrem in nomine meo, dabit uobis. Tertio, Tribuit etiam ius sacrificandi, id est, recipit obedientiam nostram in afflictionibus, in confessione & alijs bonis operibus, & affirmat sibi eam placere, ac se honore affici. Sic Petrus, Vos estis Sacerdotium sanctum ad offerendas hostias spirituales, acceptas Deo per Christum. Discrimen tamen est inter sacerdotium & ministerium externum docendi & administrandi Sacramenta, quod tantum ad illos pertinet, qui sunt rite uocati.

SACRIFICIUM in genere est opus à Deo mandatum, quod nos DEO tribuimus tanquam honorem ipsi debitum, testificantes hunc uerè esse Deum, cui hanc obedientiam præstamus.

Sunt autem alia Sacrificia Typica, quæ erant signa uenturi Christi. Alia non umbræ, sed res. Et hæc sunt duplicia.

Vnum est **PROPICIATORIVM**, quod meretur alijs remissionem peccatorum, iusticiam & uitam

X 2 æter

æternam, uidelicet, Vniuersa obedientia Filij DEI in tota uita, in omnibus actionibus, doloribus, & mortibus. Nec ullum aliud fuit, est, aut erit sacrificium preciatorium præter hoc unum, uidelicet, Obedientiam filij Dei iuxta illud. Vna oblatione consummabitur sanctos. Huius sacrificij applicatio fit propria cum fide per Ministerium Euangelij & Sacramentorum ut Rom. 3. dicitur. Quem proposuit Deus pro peccatore per fidem in sanguine eius.

Alia sunt sacrificia *εὐχαριστικά*, id est opera à Deo mandata, quæ fiunt nobis prælucente fide, ut DEO in honore afficiatur, hoc est, Ut testemur hunc uerè esse Deum, quem sic colimus, nec sunt precia pro peccatis, nec merentur facienti, uel alijs, remissionem peccatorum, Sed sunt testimonies, Quis sit Deus, & testimonies obedientiæ, id est, gratiarum actiones. Talia sunt omnia opera in Sanctis, de quibus 1. Pet. 2. dicitur. Vos estis Sacerdotium sanctum, ut offeratis Deo hostias spirituales acceptas DEO per IESUM CHRISTVM. Talia enim sacrificia Melchisedek Deo obtulit. Et hoc modo Ceruus tibi potest dici sacrificium seu oblatio. Conuenit

enim in ea hæc opera omnia, uidelicet, Concio de beneficijs Christi, seu annunciatio mortis Domini. Recitatio uerborum institutionis, distributio ac sumptio corporis & sanguinis Christi. Inuocatio petens remissionem peccatorum propter mortem filij Dei, Fides applicans, & Gratiarum actio. Etsi autem Sacerdos horum operum omnium est ἑξάρχος, Tamen nulla est ipsius propria oblatio, à populi oblatione distincta. Sed unica oblatio semel à Christo facta est, quæ singulis propria sumptione & fide applicatur.

Fuit autem hominibus honestis usitatum in illa prima antiquitate antequam assiderent mensæ, partem cibi, ut carnum, panis & uini Deo offerre. Quo ritu ostendebant se uitam & uictum Deo acceptum referre, Ideoq; ipsi gratias agere. Hæc consuetudo etiam apud Gentes mansit, ut Athenæus laudat Homerum, quod Principes Græcos describat nunquam assidere mensæ uel discedere sine libatione & precatione, & ἀνοσμορτίνα γυναικῶν inquit à Simonide uituperari ὅτι ἄδυστα ἰσθὰ κατεδίει, quod carnes deuoret, ante factum sacrificium.

Consentaneum igitur est etiam Melchisedekum proponentem fesso exercitui cibum & potum, quo reficeretur sumfisse partem panis & uini, & oblatione facta egisse DEO gratias, quod &

X 3 uicto.

uictoriam Abrahæ concessisset, & cibum
 reliqua beneficia ipsis impertiret. Inde tamen
 sequitur in hoc ritu meritum esse, aut applica-
 tionem pro alijs ex opere operato fieri. Ac dignum
 consideratione, Quod in textu non sit uerbum
 offerendi, Sed *ἔλωε γκε*, id est, protulit seu proposuit.
 Panem & Vinum, uidelicet, comitibus Abrahæ
 fatigatis. Ideoq; historia Melchisedek magis ad
 distributionem & sumptionem quam ad oblationem
 panis & uini in Cœna accommodari potest.

Longior est autem disputatio de Cœna Domini,
 quam ut hic explicari possit. Tantum igitur haec
 duas commonefactiones recito.

Primum. Vt fons disputationis diligenter in-
 spectatur, uidelicet, Institutio Cœnae Domini, quam
 sola manducatione & applicatione beneficiorum
 Christi, facienda sumptione propria, & fide, loqui
 manifestum est. Cumq; ualeat Cœna Domini
 quam Sacramentum, hoc est, ceremonia in qua
 DEVS testatur se nobis sua beneficia offerre, ma-
 nifestum est eam soli utenti prodesse, & non potest
 alijs applicari posse, sicut Baptismus non potest
 alijs applicari.

Secundo. Cum ceremonia in alium usum trans-
 fertur, pugnantem cum institutione, non habet
 rationem Sacramenti. Quare cum oblatio pro uiuis
 & mortuis, Item circumgestatio panis & uini

ritus, prorsus pugnent cum institutione manifestum est eos impios & idolatricos esse.

NOMINA PROPRIA
XIII. CAPITIS.

Amraphel Rex Sennaar) Hic Rex Babyloniorum
fuit filius Nini, à quo Iustinus historiam incoat.
Et nominatur à Beroso Zameis Ninias.

Reges Babyloniorum.

1. Nimrod, primus Rex Babyloniorum, cœpit anno
111. post Diluuium, regnavit 56 annos.
2. Belus, filius Nimrod, 62 annis.
3. Ninus, filius Beli, cœpit Regnare anno mūdi 1906
post diluuium 250. regnavit 52.
4. Semiramis, uxor Nini, cuius etiam Ouidius in
suo Chronico meminit, 42 annos præfuit.
5. Zameis Ninias, qui hic uocatur Amraphel cœ-
pit anno Mundi 2000.
Post Diluuium 344.

Huius anno tricesimo scribunt bellum, cuius hi-
storia in hoc Capite recensetur, gestum esse. Cum
iam Abraham excessisset annum uite 80.

Amraphel) אמרפל dictus ut rueret, à נפל.

Arioch) אריוך longus, procerus, ab ארך.

Rex Ponti) אלסר Ellasar, id est, rebellis Deo, à

X 4 סרר.

סור. Apparet autem non Ponthum
thyniam, sed regionem uicinam Babyloniae
ficari.

Chodorlahomor) כדורלעמור Cedarlahomor, id est
pila uel globus manipuli, et Job. 15. כדור
patur pro globo militum.

Elamitarum) Id est, Persarum, ab Elam filio
עילם adolescens.

Thadal) חדעל Thideal, cognosces altissimam
על שורע.

Quinq; Reges.

Basa Regem Sodomorum) Ebraice ברע Basa
socius uel pastor, à רעה uel malus, maleficus
רוע.

Bersa Regem Gomorrae) ברשע Birsa, id est
pius, sceleratus, à רשע.

Sennaar Regem Adamae) שונאב Sineab, odiosus
pater, à שונא uel dentatus pater.

Semeber Regem Seboim) שמאבר nomen magi
ficum.

Bala) בלע Bela, id est, absorptio, perditio.
Nomina quinq; Urbium supra Capite 10. cap.
sita sunt.

In Vallem Syluestrem) In Ebraeo est, In Valle
שרים Siddim, id est, agrorum, hoc est, ferti-
lissimam et amoenissimam. שדה ager.

Percusserunt Raphaim in Astaroth Carnaim) Primum socios & consœderatos quinq; Regum debellant, ut destitutos Sociorum praesidijs facilius opprimant.

Raphaim) רפאים Gygantes, Medici, Saluatores.
In Astaroth Carnaim) עשתרת קרנים hoc est, greges cornuti. Astaroth nomen Urbis est in regione Galaad.

Zuzim cum eis) זוזים postes columnæ, Atlantes suis humeris sustinentes orbem terrarum, ne intereat. Sunt Epitheta nostrorum Nobilium, der Scharhansfen.

Emim) עימיים terribiles, formidabiles.
In Saba Cariathaim) Id est, planicie duarum ciuitatum in terra Basan trans Iordanem.

Chorreos) חורי princeps, nobilis, candidus.
In montibus Seir) In Arabia Petrea.
Pharan) cuius mentio fit Num. 13. 14. Loca aspiciantur in Tabulis.

פארן gloriosus.

Fontem Messphat) Vbi postea Moses aquam de Petra produxit, Num. 20. משפט iudicium.

Cades) קדש id est, Sanctus. Situs Loci in Tabula consideretur.

Regionem Amalechitarum) pars Idumæa, sic dicta ab Amalech nepote Esau. Gen. 36.

X 5 עמלק

אמלק *populus lambens.*

Afasonthamar) existimatur esse regio Engaddi-
cina Sodomis.

חצצון המר HaZaZanthamar, id est, bra-
zum uel sinus palmae, arboris, à חצץ.

Cecideruntq; ibi, scilicet, in puteos bituminis.

Fratris Eschol) אשכול *brotus.*

Aner) ענף *cura lucernae, ab ענה.*

Persecutus est eos usq; Dan) Vrbs ad fontem leu-
nis, sita in radicibus Libani.

דן *iudicium.*

Vsq; Hoba, quae est ad leuam Damasci) חבה *id est,*
debitor.

דמשק Damefek, id est, sanguinis saccus.

Melchisedech) מלכיצדק *Rex Iusticiae. Nomen*
adpellatiuum, Epitheton Sem filij Nohe, qui ho-
bitauit in urbe Salem, quae postea dicta est Ieru-
salem, & absuit ab Hebron, ubi Abrahæ domi-
lium fuit, quinq; milliaribus. Sæpe igitur con-
nire illa prima Ecclesiae Lumina, & de maximis
rebus colloqui, & auditores erudire ac compo-
mare potuerunt.

Salem) שלם *pax. Rex pacis. Ebræ. 7.*

Benedixit ei.) *proprium officium CHRISTI*
Sacerdotis.

Benedictus Abram Deo excelsio.) *Abram benedictus est à DEO. Deus fauet & iuuat Abraham.*

Benedictus Deus excelsus.) *Ago Deo Gratias, quod tibi uictoriam dedit.*

Leuo manum meam ad Dominum.) *Id est, Iuro, Testem inuoco Deum.*

Corrigeam Caligæ.) *Caliga propriè significat ocream, qua tibiæ teguntur. Vnde Caligula Imperator ioco militari nomen accepit.*

CAPVT DECIMUMQUINTVM.

VNus est in hoc Capite & tota Ecclesie doctrina, præcipuus locus, de Iusticia fidei, quæ splendide & copiose Rom. 4. Paulus enarrat. Ideoq; ab hoc primo dicto, quod extat in Mose de modo iustificationis, suam disputationem orditur, ut ostendat doctrinam de iusticia fidei, quæ tunc uoce Euangelij renouabatur, non recens inuentum esse, sed perpetuum ueræ Ecclesie Dei consensum esse.

Cum autem hic præcipuus doctrine Christiane Articulus sit, ex quo omnium nostrum æterna salus pendet, breuiter summam ueræ sententiæ de iusticia fidei, usitatis questionibus Methodi inclusam recitabo.

Vocabus